

Episcopalis, cujus tamen Episcopum non legi nisi in Concilio Sinuessano parum certæ fidei.

TADINUM. Laurentius Tadinatis Ecclesiæ Episcopus subscripsit Synodo Romanæ Symmachi Papæ, & apud Gregorium M. lib. 7. Indict. 2. Ep. 89. & 90. Tadinatis Ecclesiæ vacantis visitatio committitur Episcopo Eugubino. Ejus vestigia visuntur in via Flaminia prope Gualdum ultra Nuceriam in summo Apennino. Hoc tempore Nucerinæ conjuncta est. LUCAS HOLSTENIUS.

ASSISIUM Plinio lib. 3. c. 14. Æsifium Ptol. 1. 3. c. 1. vulgò *Assisi*, cujus Episcopus *Aquilinus* adfuit Concilio Lateranensi sub Martino.

NUCERIA Ptol. lib. 3. c. 1. vulgò *Nocera*. Laurentius hujus Episcopus subscripsit Concilio Romano sub Symmacho, & D. Gregorius scripsit Epistolam 47. lib. 7. Indict. 2. *Primerio* Nucerinæ Episcopo.

EUGUBIUM Civitas Episcopalis libro Conciliorum, vulgò *Gubbio*. Gregorius Magnus Epistolam 89. lib. 7. Indict. 2. ad hujus Episcopum *Gaudiosum* direxit, sed longè ante illum Innocentius I. ad *Decentium* scripsit.

## CAMPANIA, IN QUA LATIUM.

OSTIA Ptol. lib. 3. cap. 1. vulgò etiam *Ostia*, ex ejus Episcopis *Bonus* subscripsit Concilio Romano sub Felice, *Bellator* primæ Synodo Romanæ sub Symmacho, & *Aristus* vel *Ariston* tertiæ & quartæ sub eodem.

VELITRÆ Livio lib. 6. vulgò *Veletri*. Ex ejus Episcopis *Adeodatus* subscripsit Concilio Romano sub Hilario, *Bonifacius* Romano sub Felice, & *Sylvinus* quarto ejusdem urbis sub Symmacho.

† TRES TABERNÆ Zosimo lib. 2. vulgò *Cisterna*. *Lucifer* hujus Civitatis Episcopus subscripsit Concilio Romano sub Hilario, *Decius* item Romano sub Felice, & primo sub Symmacho.

ANTIUM Ptol. lib. 3. cap. 1. vulgò *Anzo*. *Gaudentius* hujus Episcopus subscripsit Concilio Romano sub Hilario, *Felix* item Romano sub Felice, & *Vindemius* primo sub Symmacho.

†† TARRACINA Ptol. ibid. vulgò etiam *Tarracina* dicitur. *Savini* Episcopi à Tarracina meminit Optatus lib. 1. Item *Martyrius* subscripsit primæ Synodo Romanæ sub Symmacho.

FERENTINUM Ptol. lib. 3. cap. 1. vulgò *Fiorentino*. \* *Bassus* hujus Episcopus subscripsit Concilio Romano sub Felice, & primo sub Symmacho; necnon *Innocentius* tertio sub eodem Symmacho.

ALETRIUM. Straboni & aliis, vulgò *Alatri*. Paschasii Aletrini Episcopi meminit Vigilius Papa in excommunicatione Theodori Cæsariensis, quæ Epistolæ 6. subjungitur. Saturninus adfuit Concilio Romano sub Agathone Papa. Vitalis Concilio Romano sub Gregorio II. subscripsit. LUCAS HOLSTENIUS.

VERULÆ. Frontino & aliis, vulgò *Veroli*. LUCAS HOLSTENIUS.

LAVICI. LUCAS HOLSTENIUS.

ANAGNIA Straboni lib. 5. vulgò *Anagni*. Ex ejus Episcopis *Felix* subscripsit Concilio Romano sub Felice, & *Fortunatus* item Romano primo sub Symmacho.

\*\* GABII Straboni ibidem, hodie *Gallicano*, inquit Blondus. Inter ejus Episcopos *Asterius* subscripsit Concilio Romano sub Hilario, *Andreas* item Romano sub Felice, & *Mercurius* primo sub Symmacho.

SIGNIA Straboni libro quinto, vulgò *Segna* vel *Segni*. *Sanctulus* hujus Episcopus fuit, sive Ferentinas. Maximinus autem Ferentinensis: sed in MS. antiquiss. scribitur Bassus Ferentini novi; Maximinus autem Ferentienfis. LUCAS HOLSTENIUS.

G 2

Epi-

### N O T Æ.

† Tres Taberna &c. vulgò *Cisterna*] Hoc falsum: Nam trium Tabernarum vestigia haud procul inde in ipsa via Appia conspiciuntur &c. S. Gregorius Magnus hanc Ecclesiam desolatam Velitrensi conjunxit. LUCAS HOLSTENIUS.

†† Tarracina. vulgò Tarracina] Terracina. LUCAS HOLSTENIUS.

\* Bassus] Bassus hic Ferenti in Tuscia Episcopus fuit, sive Ferentinas. Maximinus autem Ferentinensis: sed in MS. antiquiss. scribitur Bassus Ferentini novi; Maximinus autem Ferentienfis. LUCAS HOLSTENIUS.

\*\* Gabii &c. hodie Gallicano] Falsum &c. Martinus subscripsit constituto S. Gregorii Magni. LUCAS HOLSTENIUS.